

შპს „აიმუვის.ჯის“ წილის 40%-ის ფიზიკური პირების მამუკა მონავარდისაშვილის (წილის 16%), გიორგი გარსევანიშვილის (წილის 16%) და გურამ ხუნდაძის (წილის 8%) მიერ შექმენაზე თანხმობის მიცემის საკითხის განხილვის შესახებ

საქართველოს კომუნიკაციების ეროვნული კომისია (შემდგომში “კომისია”) აღნიშნავს, რომ კომისიას წერილით მიმართა შპს „აიმუვი ჯიმ“ (კომისიაში წერილის რეგისტრაციის №შ-6/2638-17, 23.03.2017), შპს „აიმუვის.ჯის“ (ს/კ 404987289) წილის 40%-ის ფიზიკური პირების მამუკა მონავარდისაშვილის (წილის 16%), გიორგი გარსევანიშვილის (წილის 16%) და გურამ ხუნდაძის (წილის 8%) მიერ შექმენაზე კომისიისაგან წინასწარი თანხმობის მიღების მოთხოვნით.

“ელექტრონული კომუნიკაციების შესახებ” საქართველოს კანონის 26-ე მუხლის შესაბამისად, წილის შექმენის განზრახვის შესახებ კომისიას უნდა ეცნობოს შექმენის განხორციელებამდე. შეტყობინების ვალდებულება ეკისრება ავტორიზებულ პირს, რომლის წილის შექმენაც ხდება.

“ელექტრონული კომუნიკაციების შესახებ” საქართველოს კანონის 27-ე მუხლის პირველი პუნქტის შესაბამისად, კომისია უფლებამოსილია შერწყმის ან შექმენის თაობაზე ავტორიზებული პირის სრულყოფილი შეტყობინების მიღებიდან 15 დღის ვადაში გასცეს თანხმობა შერწყმაზე ან შექმენაზე ან ბაზრის შესაბამის სეგმენტზე არსებულ კონკურენციაზე შესაძლო გავლენის მოხდენის დადგენის მიზნით მიიღოს გადაწყვეტილება შერწყმის ან შექმენის გამოკვლევის თაობაზე ადმინისტრაციული წარმოების დაწყების შესახებ.

კომისია აღნიშნავს, რომ შპს „აიმუვის.ჯი“ წარმოადგენს ავტორიზებულ პირს და მას ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეზე:

B.F.4. მაუწყებლობის ტრანზიტი

ტელემაუწყებლობის ტრანზიტი

“ელექტრონული კომუნიკაციების შესახებ” საქართველოს კანონის 26-ე მუხლის შესაბამისად, შპს „აიმუვის.ჯის“ მიერ (კომისიაში წერილის რეგისტრაციის №შ-6/2638-17, 23.03.2017) კომისიაში წარმოდგენილი იქნა შემდეგი სახის ინფორმაცია:

- კომპანიის საფირმო სახელწოდების, საქმიანობის სახისა და სარეგისტრაციო მონაცემების შესახებ;
- შპს „აიმუვის.ჯის“ შემოსავლების შესახებ;
- შპს „აიმუვის.ჯის“ ურთიერთდამოკიდებული/ავილირებული პირების შესახებ;
- შპს „დიჯიტალ ედსის“ ურთიერთდამოკიდებული/ავილირებული პირების შესახებ;
- შპს „აიმუვის.ჯის“ ამონაწერი მეწარმეთა და არასამეწარმეო (არაკომერციული) იურიდიული პირების

რეესტრიდან;

- შპს „დიჯიტალ ედსის“ ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან.

კომისიის უწყებრივი რეესტრის მონაცემების და მეწარმეთა და არასამეწარმეო (არაკომერციული) იურიდიული პირების რეესტრის მონაცემების მიხედვით, შპს „აიმუვის.ჯის“ (ს/კ 404987289) 100%-იანი წილის მფლობელია შპს „დიჯიტალ ედსი“, ხოლო დირექტორია თამთა ნიქაბაძე.

კომისიის უწყებრივი რეესტრის მონაცემების მიხედვით შპს „დიჯიტალ ედსი“ არ წარმოადგენს ავტორიზებულ პირს.

არასამეწარმეო (არაკომერციული) იურიდიული პირების რეესტრის მონაცემების მიხედვით შპს „დიჯიტალ ედსის“ წილის 10%-ის მფლობელია ფიზიკური პირი გივი გურასპაული, წილის 10%-ის მფლობელია ფიზიკური პირი ნიკოლოზ გაბელია, წილის 10%-ის მფლობელია ფიზიკური პირი ანდრო კიკნაძე, წილის 10%-ის მფლობელია ფიზიკური პირი კონსტანტინე ჭავჭავანიძე, წილის 60%-ის მფლობელია ფიზიკური პირი ლევან ჭიორელი, ხოლო დირექტორი ირაკლი ცინცაძე.

შპს „დიჯიტალ ედსის“ დამფუძნებლები ფიზიკური პირები გივი გურასპაული, ნიკოლოზ გაბელია, ანდრო კიკნაძე, კონსტანტინე ჭავჭავანიძე, ლევან ჭიორელი და დირექტორი ირაკლი ცინცაძე კომისიის ავტორიზებულ პირთა უწყებრივი რეესტრში არ ფიქსირდებიან.

კომისიის უწყებრივი რეესტრის მონაცემების მიხედვით შპს „დიჯიტალ ედსი“ არის სს 2აი თი დი სის“ (ს/კ 404399664) წილის 51%-ის მფლობელი.

სს 2აი თი დი სი“ წარმოადგენს ავტორიზებულ პირს და მას ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეზე:

B.F.2. ინტერნეტ მომსახურება

ბოლო მომხმარებლების ინტერნეტ ჰოსტინგის მომსახურება

B.F.4. მაუწყებლობის ტრანზიტი

მაუწყებლობის ტრანზიტი

B.F.6. გამოძახებით აუდიო ვიზუალური მომსახურება (video on demand)

გამოძახებით აუდიო ვიზუალური მომსახურება (video on demand)

ასევე, სს 2აი თი დი სის" ავტორიზაცია გავლილი აქვს მაუწყებლობაზე, შემდეგი სალიცენზიო პირობებით:

- მაუწყებლობის სახე: ტელემაუწყებლობა;
- მაუწყებლობის სახეობა: კერძო მაუწყებლობა;
- მაუწყებლობის ქვესახეობა: სპეციალიზებული ტელემაუწყებლობა;

კომისიის უწყებრივი რეესტრის მონაცემების მიხედვით სს 2აი თი დი სის" (ს/კ 404399664) 15,6%-იანი წილის მფლობელია მამუკა მონავარდისაშვილი, წილის 15,6%-ის მფლობელია ფიზიკური პირი გიორგი გარსევანიშვილი, წილის 7,8%-ის მფლობელია ფიზიკური პირი გურამ ხუნდაძე, 10%-იანი წილის მფლობელია „საინფორმაციო ტექნოლოგიების განვითარების ცენტრი“ (ს/კ 204426282) და წილის 51%-ის მფლობელია შპს „დიჯიტალ ედსი“, ხოლო გენერალური დირექტორია დავით მოსულიშვილი.

„საინფორმაციო ტექნოლოგიების განვითარების ცენტრი“ წარმოადგენს ავტორიზებულ პირს და მას ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეზე:

B.F.2. ინტერნეტ მომსახურება

ბოლო მომხმარებლების ინტერნეტ ჰოსტინგის მომსახურება

კომისიის უწყებრივი რეესტრის მონაცემების და მეწარმეთა და არასამეწარმეო (არაკომერციული) იურიდიული პირების რეესტრის მონაცემების მიხედვით, „საინფორმაციო ტექნოლოგიების განვითარების ცენტრის“ გამგეობის თავმჯდომარეა მამუკა მონავარდისაშვილი, ხოლო გამგეობის წევრები არიან ფიზიკური პირი გიორგი გარსევანიშვილი და ფიზიკური პირი გიორგი ჩხეიძე.

სს 2აი თი დი სი" 50%-იანი წილის მფლობელია შპს „ქლაუდ ცხრაში“. შპს „ქლაუდ ცხრის“ წილის 50%-ის მფლობელია შპს „ექსპერტ სოლუშენს ჯორჯია“. შპს „ექსპერტ სოლუშენს ჯორჯიას“ დირექტორი და 50%-იანი წილის მფლობელია თეონა მარტაშვილი. თეონა მარტაშვილი ასევე არის შპს „ქლაუდ ცხრის“ დირექტორი.

შპს „ქლაუდ ცხრა“ (ს/კ 405063755) წარმოადგენს ავტორიზებულ პირს და მას ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეზე:

B.F.2. ინტერნეტ მომსახურება

ბოლო მომხმარებლების ინტერნეტ ჰოსტინგის მომსახურება

შპს „ექსპერტ სოლუშენს ჯორჯია“ (ს/კ 404462283) წარმოადგენს ავტორიზებულ პირს და მას ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეზე:

B.F.2. ინტერნეტ მომსახურება

ბოლო მომხმარებლების ინტერნეტ ჰოსტინგის მომსახურება

კომისიის უწყებრივი რეესტრის მონაცემების და მეწარმეთა და არასამეწარმეო (არაკომერციული) იურიდიული პირების რეესტრის მონაცემების მიხედვით, შპს „ექსპერტ სოლუშენს ჯორჯიას“ წილის 50%-ის მფლობელია ფიზიკური პირი კონსტანტინე ქაროსანიძე.

კომისიის საერთო სტატისტიკურ ბაზაში არსებული ინფორმაციის მიხედვით სს 2აი თი დი სის", შპს „ექსპერტ სოლუშენს ჯორჯიას“, შპს „ქლაუდ ცხრის“, „საინფორმაციო ტექნოლოგიების განვითარების ცენტრის“ და შპს „აიმუვის.ჯის“ შემოსავლები, აბონენტების რაოდენობა, შესაბამისად მათი ხვედრითი წილები მოცემულია ცხრილი =1-ში:


ცხრილი =1

| | სხვა არასაკომუნიკაციო მომსახურება - ვებ-ბანერით მომსახურება | | მაუწყებლობის ტრანზიტის სააბონენტო შემოსავლები (ინტერნეტი) | | მაუწყებლობის ტრანზიტის აბონენტების რ-ბა (ინტერნეტი) | | სხვა საცალო საკომუნიკაციო მომსახურება - ჰოსტინგი | |
|--|---|--------|---|--------|---|-------|--|--------|
| | 01.11.2016 -01.03.2017-მდე პერიოდი | | 01.11.2016 -01.03.2017-მდე პერიოდი | | | | 01.11.2016 -01.03.2017-მდე პერიოდი | |
| | ლარი | % | ლარი | % | ცალი | % | ლარი | % |
| აი თი დი სი | 417,265 | 81.32% | 8,661 | 20.11% | 134 | 4.64% | | |
| ექსპერტ სოლუშენს ჯორჯია | | | | | | | 98,903 | 12.84% |
| ქლაუდ ცხრა | | | | | | | 180,822 | 24.00% |
| საინფორმაციო ტექნოლოგიების განვითარების ცენტრი | | | | | | | | |
| აიმუვის.ჯი | 95,840 | 18.68% | | | | | | |

კომისიის ავტორიზებულ პირთა უწყებრივი რეესტრის მიხედვით დგინდება შპს „აიშუვის. ჯის“ აფილირება სს 2აი თი დი სისთან“, „საინფორმაციო ტექნოლოგიების განვითარების ცენტრთან“, შპს „ქლაუდ ცხრასთან“, შპს „ექსპერტ სოლუმენს ჯორჯიასთან“, რადგანაც შპს „აიშუვის. ჯის“ 100%-იანი წილის მფლობელია შპს „დიჯიტალ ედსი“, ხოლო შპს „დიჯიტალ ედსი“ სს 2აი თი დი სის“ 51%-იანი წილის მფლობელია. სს 2აი თი დი სის“ 10%-იანი წილის მფლობელია „საინფორმაციო ტექნოლოგიების განვითარების ცენტრი“, ასევე სს 2აი თი დი სი“ წილის 50%-ს ფლობს შპს „ქლაუდ ცხრაში“, ხოლო შპს „ქლაუდ ცხრის“ წილის 50%-ის მფლობელია შპს „ექსპერტ სოლუმენს ჯორჯია“.

ასევე დგინდება, შპს „აიშუვის. ჯის“ დირექტორის თამთა მიქაძის, სს 2აი თი დი სის“ დირექტორის დავით მოსულიშვილის, სს 2აი თი დი სის“ - წილის 15,6%-ის მფლობელის მამუკა მონავარდისაშვილის, წილის 15,6%-ის მფლობელის გიორგი გარსევანიშვილის, წილის 7,8%-ის მფლობელის გურან ხუნდაძის, შპს „ექსპერტ სოლუმენს ჯორჯია“ დირექტორის და წილის 50%-ის მფლობელის თეონა მარტაშვილის, წილის 50%-ის მფლობელის კომსატანტინე ქაროსანიძის აფილირება შპს „ქლაუდ ცხრასთან“ (ცხრილი =2).

ცხრილი =2



კვლევისა და ანალიზის შედეგად დადგინდა, რომ შპს „აიმუვის ჯის“ შემოსავლები შედგება ვებ ბანერით მომსახურებით მიღებული შემოსავლებისაგან.

კომისია აღნიშნავს, რომ მომსახურების ეს სეგმენტი არ არის განსაზღვრული როგორც რეგულირებას დაქვემდებარებული სეგმენტი, შესაბამისად, შპს „აიმუვის.ჯის“ წილის 40%-ის ფიზიკური პირების მამუკა მონავარდისაშვილის (წილის 16%), გიორგი გარსევანიშვილის (წილის 16%) და გურამ ხუნდაძის (წილის 8%) მიერ შეძენა ელექტრონული კომუნიკაციების ბაზრის რომელიმე სეგმენტზე გავლენას ვერ იქონიებს. აღნიშნულიდან გამომდინარე, ბაზრის იმ სეგმენტებზე, სადაც მხარეები საქმიანობენ კონკურენტული გარემო უცვლელი დარჩება.

ზემოაღნიშნულიდან გამომდინარე, შპს „აიმუვის.ჯის“ წილის 40%-ის ფიზიკური პირების მამუკა მონავარდისაშვილის (წილის 16%), გიორგი გარსევანიშვილის (წილის 16%) და გურამ ხუნდაძის (წილის 8%) მიერ შეძენის შემთხვევაში, აღნიშნული ტრანზაქცია ვერ მოახდენს რაიმე გავლენას ელექტრონულ საკომუნიკაციო ბაზარზე არსებულ კონკურენციაზე.

კომისიამ მიიჩნია, რომ არ არსებობს შპს „აიმუვის.ჯის“ წილის 40%-ის ფიზიკური პირების მამუკა მონავარდისაშვილის (წილის 16%), გიორგი გარსევანიშვილის (წილის 16%) და გურამ ხუნდაძის (წილის 8%) მიერ შეძენაზე წინასწარი თანხმობის მიცემის დამაბრკოლებელი გარემოებები.

“ელექტრონული კომუნიკაციების შესახებ” საქართველოს კანონის 25-ე, 26-ე და 27-ე მუხლების შესაბამისად, კომისიამ კენჭისყრის შედეგად, ერთხმად

გ ა დ ა წ ყ ვ ი ტ ა :

1. მიეცეს თანხმობა შპს „აიმუვის.ჯის“, შპს „აიმუვის.ჯის“ წილის 40%-ის ფიზიკური პირების მამუკა მონავარდისაშვილის (წილის 16%), გიორგი გარსევანიშვილის (წილის 16%) და გურამ ხუნდაძის (წილის 8%) მიერ შეძენაზე.
2. განემარტოს შპს „აიმუვის.ჯის“, რომ ამ გადაწყვეტილების შესაბამისად, წილის მფლობელის ცვლილების შემთხვევაში, შპს „აიმუვის.ჯის“ ვალდებულია აღნიშნულის თაობაზე კომისიას აცნობოს ცვლილების განხორციელებიდან 7 სამუშაო დღის ვადაში;
3. დაევალოს კომისიის აპარატის ადმინისტრაციულ დეპარტამენტს ამ გადაწყვეტილების შპს „აიმუვის.ჯისათვის“ დაუყოვნებლივ გადაგზავნა (ი. ხარებავა);
4. გადაწყვეტილება ძალაში შედის მისი დამოწმებული ასლის შპს „აიმუვის.ჯისათვის“ ჩაბარების დღიდან;
5. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი, ქ. თბილისი, დავით აღმაშენებლის ხეივანი, მე-12 კმ., №6), ამ გადაწყვეტილების შპს „აიმუვის.ჯისათვის“ ჩაბარების დღიდან ერთი თვის ვადაში;
6. კონტროლი აღნიშნული გადაწყვეტილების შესრულებაზე დაევალოს კომისიის აპარატის სატელეკომუნიკაციო ბაზრის რეგულირების დეპარტამენტს (დ. გოგიჩაიშვილი).

| | |
|----------------------|-----------------|
| კომისიის თავმჯდომარე | ვახტანგ აბაშიძე |
| კომისიის წევრი | ელისო ასანიძე |
| კომისიის წევრი | გიორგი ფრუიძე |
| კომისიის წევრი | კახა ბექაური |
| კომისიის წევრი | მერაბ ქათამაძე |

